

看山閣集

今體詩

卷九之十二



看山閣集

今體詩卷九目錄

掃墓二首

題山人居

山雨樓觀雨

次友人梅花詩原韻二首

小園春步

秋日至清逸齋看菊適主人病酒未起因

賦

山僧掛月結緣開社獨未招余因賦以戲



二首

詩酒偶興

晚泊清河山莊觀花二首

白鶴坡高卧新築之烟霞深處二首

對琴有感

遊友人山莊

題自畫送華亭李邑侯石溪歸里

題自畫九如圖壽周太守嵩山

友人招飲醉筆

新夏坐南軒詠竹

懷金陵友人

哭汪業師

題畫花卉

楊柳桃花

海棠

玉蘭

牡丹

芍藥

白荷花

芙蓉

桂花

薔薇

竹梅

友人夜集即席限韻

閒居雜興五首

哭友

奉賢邑侯家魯宗之任

贈隱士

贈蔣太守

贈懷恩子

懷南滙欽邑侯

周邑侯念我擢任本郡刺史

壽戴狀元

戴茂才蓉石卜居浦南

壽王太史

月下懷友

俞聖如下第月中送行

幽閨四首

題寫秋圖

題畫壽金司馬兩濟太翁

山遊至陸隱士居偶筆二首

送遠

寄長沙太守

少年行

塞北

美人醉唾

春閨

花月閒情

友人新買二妾並擅聲口態度之妙聽歌
觀舞不覺成章

與家又鵬

弔屈

慎交

白燕影

春曉

探春遇友邀飲二首

落梅二首

夜飲贈友二首

偕友春遊二首

逢僧話閒

樂閒

看山閣集今體詩卷九目錄終

看山閣集

峰泖黃圖秘容之著

今體詩卷九

掃墓

親在無能事人情良可歎音容追未得色笑慕尤
難日落松聲冷天空雲影寒年年當此節心鼻倍
拋酸

又

憶昔丸熊德何堪慰永思淒涼寒食近風雨禁烟
遲血染桃花片愁牽楊柳絲相依頻拜掃猶似奉

觴時

題山人居

竹外梅邊自淡如，依山傍水有茅廬。
短籬種竹環山築，小圃栽梅帶月鋤。
半壁流雲隨瀑落，一簾啼鳥蹴花飛。
知君閒處常揮劍，欲把人間煩惱除。

山雨樓觀雨

薰風一縷送涼時，可作仙家蓬島思。
飛瀑陡來乘雨力，浮雲漫捲出山姿。
甘隨謝眺情偏劇，爲妬庾公賦不遲。
聞道蜃樓多幻態，人間亦正有如之。

次友人梅花詩原韻

無意花生筆，多因夢鑿心。
雪深山谷裏，處士正高吟。

又

水色凝枝淺，雪香鎖院深。
羅浮殘夢斷，落月在疎林。

小園春步

樹石交春美，春從何處來。
迎陽惟種竹，鋤月獨栽梅。
就麓營茅屋，臨流泛羽杯。
花風吹不盡，蜂蝶慢相猜。

秋日至清逸，齋看菊適主人。
病酒未起因

賦

臨秋好風景酒綠對花黃盡醉東籬下淵明老愈
狂

山僧掛月結緣開社獨未招余因賦以戲
相挹清芬廉不奢遠公社結白蓮花俗緣未盡休
疑我雖在家時久出家

又

山菴吞吐盡烟霞落滿松花一徑斜師却掛來仍
有月吾生知是也無涯

詩酒偶興

詩筒酒譜興何賒終日安排在碧霞詩裏嘔心如
李賀酒中落魄似蘓葩偶登竹閣因看月未啟柴
關怕踏花惟此幽懷宜獨樂不能分惠與人家

晚泊清河山莊觀花

舟已迷津口身疑在畫中半天紅錦幔一帶翠屏
風

又

樵斧聞雲外漁歌起柳中携尊迎返照盡醉在芳
叢

白鶴坡高臥新築之烟霞深處

一邱新築鶴爲巢門設常關不俗交惟有烟霞相
與契結成兄弟勝同胞

又

花落花開酒滿卮自陶情處豈人知未叨一第皆
由命李杜原來是布衣

對琴有感

敢曰知音少無如陶不絃一彈雖偶爾再鼓亦徒
然流水雲中啞松風天半旋衆山皆絕響琴枕卻
高眠

遊友人山莊

日長山靜鳥無諠林茂泉清可滌煩忽聽數聲漁
父曲落花深處有仙源

題自畫送華亭李邑侯石溪歸里

花放鳥啼三徑開科頭箕踞獨徘徊抱琴靜日烟
霞裏携得松風滿袖回

題自畫九如圖壽周太守嵩山

山家風味勝蓬壺對景優游樂有無綠酒黃花何
以祝兔毫寫得九如圖

友人招飲醉筆

幾度看花待月回坐花醉月興堪推醉題字字皆

花月花吐毫端月印杯

新夏坐南軒詠竹

風竹陰深曉氣涼小軒靜坐日初長粘天翠色搖
書幌繞地清芬鎖石床半壁飛泉傳逸響一鉤殘
月破幽芳閒居自覺無塵染購得高人醫俗方

懷金陵友人

秦淮明月夜此境最幽深不住臨秋水伊人千里
心

哭汪業師

志在春秋上風高山斗邊至今心耿耿豈特只三

年

題畫花卉

楊柳桃花

桃柳多顏色畫圖因並收武陵風景好春艷在枝
頭

海棠

春睡何曾足愁情不自持臨風嬌學舞飄拂欲仙
時

玉蘭

玉樹開方茂春風吹欲酣畫圖無俗染永日自幽

探

牡丹

誰將洛下種移入紙頭栽穠艷偏多態迎人帶笑開

芍藥

香浮花爛熳露重葉扶疎畱得餘春在從容好譜圖

白荷花

玉鏡涵清影凌波別有仙靈通非俗物曾悟遠公禪

芙蓉

弄影寒潭裏含愁秋月中粧成人不識落日墮嬌紅

桂花

誰把黃金粟灑來滿紙頭香飄明月外為報世間秋

薔薇

香薰百和美色奪眾芳妍欲買佳人笑多輸脂粉錢

竹梅

竹畱清勁節梅吐雪霜姿入畫應無俗清芬時挹
之

友人夜集即席限韻

剪燭微吟傾百壺相逢知己共歡呼元龍意氣高
千尺爭似蘭陵舊酒徒

閒居雜興

結構幽居好山清與水明可樵更可釣宜雨亦宜
晴妙繪難摹仿新詩費品評悠然無巧飾我樂此
天成

二

峭壁飛雲影層崖藏月明松高眠白鶴柳密叫黃
鶯清曠懷堪豁幽閒情自生始知林下樂莫笑我
身輕

三

四時春最好難得遇清明曲水流觴坐前山采藥
行一天鋪錦繡百鳥學竽笙偶爾攀花柳余心樂
正盈

四

雖曰春方好當知夏更精捲書忘午倦掃徑喜朝
晴竹引泉聲細風吹荷氣清此間堪避暑昨已結

松棚

五

白雲何澹蕩長日自逢迎故作輕浮態終推耐久
情夏峰多變幻秋嶺獨崢嶸宜與聯高誼飛騰去
大瀛

哭友

浮生却比露中花回首茫茫苦海涯人去那堪琴
亦死愁多無柰月偏賒招魂未得空餘恨化鶴還
歸何處家始信百年成一夢五湖烟水泛仙槎

奉賢邑侯家魯宗之任

吏治循良江夏黃

御屏摘賞姓名香一枝擢桂風流遠百里聞琴德澤
長把酒笑看春滿縣裁詩喜見月盈堂臣心如水
君無愧早晚承

恩錫九章

贈隱士

才華久矣令人驚恬淡家風世有名性愛雲山詩
卷富心閒江漢釣絲輕花紅檻外聞禽語蕉綠窗
前聽雨聲莫惜杖頭虛此景好沽旨酒月邊傾

贈蔣太守

奕世名儒信有宗，凌霄修竹歲寒松。一腔風月心如
水，萬卷詩書人似龍。筆掃烟雲何磊落，身隨琴
鶴自從容。旌賢始識貂蟬貴，五色

天書降九重

贈懷恩子

高節昔人罕，美髯近代無。正誠立宇宙，禮樂起規
模。詩奏禎祥句，有呈祥錄畫呈稼穡圖。有耕織圖有才何不
出，因待價來沽。

懷南滙欽邑侯

聖主同堯舜

恩光被萬方，輿情戴似日。士節秉如霜，竹閣琴流澤。
官衙花吐香，堅貞君本願。從此更彌長。

周邑侯念莪擢任本郡刺史

清譽邀

宸眷

丹書天半頒，古桐鳴海上。新月望雲間，吏治連年肅。
官衙永日閒，二周相繼美。未必讓嵩山，前任太守周嵩山德

政甚多故云

壽戴狀元

耆英雅會盡名賢，不是天仙即地仙。幾悔當年輕

拾紫猶能今日早，思玄漫披鶴氅行。吟野笑解金貂，索醉眠瀟灑。八千春正永，一邱泉石自怡然。

戴茂才蓉石卜居浦南

烟水迷秋浦，卜居樂本真。金尊逢雨舊，象板按詞新。花月爲賢主，江湖作散人。逍遙春八十，絕不染塵氛。

壽王太史

綠野堂開風景妍，翩翩青鳥降庭前。南山獻壽春如錦，北海稱觴酒似泉。坐擁繡幃釵十二，門投珠履客三千。逍遙日靜隨玄鶴，安頓丹爐不計年。

月下懷友

人影落花間，俯仰見明月。縹渺萬里空，山川在出沒。

俞聖如下第月中送行

天空月白慢長驅，怕惹離情酒必須。何事神龍不見取，竟成江漢一遺珠。

幽閨

春風飄拂一庭花，百和香浮透碧紗。炷盡沉香人獨坐，日光如線線還加。

又

小窗靜坐日如年
報對春光不捲簾
懊恨一雙新燕子
星星碎語向人前

又

夜月湘簾花影紛
焚香細語拜殷勤
侍兒見慣無閒事
猶恐嫦娥不耐聞

又

春閨清夜寫愁心
獨擁寒衾撫素琴
欲把冰絃相拂試
眼前恨不到知音

題寫秋圖

秋雨寒燈夜已分
小窗獨坐暗銷魂
幾回捉筆題

桐葉待得吟成愁煞人

題畫壽金司馬雨濟太翁

否是烟霞圖何以壽君子
惟願太華峰青青常似此

山遊至陸隱士居偶筆

境僻林深裏隱居
樂有無地爐常製酒
山月共傾壺
流水橋偏古
踏花逕自迂
漁樵今許我
灑脫與人殊

又

雙扉巖下掩喜得俗塵無
樹茂巢由我山深天在

壺豪情希杜牧高隱見倪迂知樂方爲樂翻然與
世殊

送遠

金蘭喜託自多慚落落丰神畏有三只恨與君相
見晚挑燈且盡一宵談

寄長沙太守

載得經書三十車扁舟一葉去長沙身經百鍊堅
如鐵筆掃千言鮮似花鶴唳琴聲遺德政詼諧談
笑入烟霞淵明歸去囊非澁二萬餘錢付酒家

少年行

翩翩年少五陵遊夾岼桃花逐水流輕向春風遺
一笑垂楊繫馬入高樓

塞北

塞北寒雲薄天遙雁信稀家家刀尺動何處寄棉
衣

美人醉唾

桃墮香腮鴉鬢斜盈盈紅汗染冰紗昨宵酣醉曾
垂唾石上還餘幾朶花

春閨

遲日小窗幽紅嬌與綠柔落花驚午夢飛絮點春

看山隱集
愁懶聽鶯流麗怕聞燕啣啾焚香惟待月深拜欲
何求

花月閒情

雖欲買花囊苦澁那禁聞酒口流涎惟餘花酒多
新句字字如珠一線穿

友人新買二妾並擅聲口態度之妙聽歌

觀舞不覺成章

妙舞清歌各逞妍柳腰櫻口並相傳風流人有風
流福妒殺當年白樂天

與家又鵬

盟深一本自攸關誼篤同胞豈等閒詩禮叨陪曾
領訓山川阻隔久違顏月來正柰愁仍在雁去何
由書未還知是多情君似我幾空佇望五雲間

弔屈

萬里青山一片烟白楊衰草夜啼猿淒風落日滄
江晚何地相容弔屈原

慎交

堪驚薄俗似波瀾靜守江湖一釣竿愧乏黃金交
亦淺空山獨夜酒杯寒

白燕影

色相原來幻不同是真是假本虛空三春夢斷梨
花月五夜魂銷楊柳風笑語燈前應有跡浣衣水
上似無踪素心猶得聯高誼未逐紛華處淡中

春晚

滴溜鸝聲好春光纔二分日高人未起花影正續
紛

探春遇友邀飲小齋

滿城桃杏已繁開不待明皇羯鼓催知己乍逢酒
乍熟相邀共醉賞花杯

落梅

梅花如雪雪爭飛一望枝頭漸欲稀滿地玉鱗吹
不盡餘香猶是襲人衣

又

幾樹寒梅帶曉霜冰姿玉骨暗生香東風冷冷吹
花落一任飄零度短牆

夜飲贈友

西園桃李已成林秉燭追遊良夜深我愛芳香君
愛飲堪爲花酒兩同心

又

我因情重惹愁心君抱才多患亦深沉醉十年身

未遇離騷讀罷淚沾襟

偕友春遊

林木深藏鳥不諠
飛流日靜自潺湲
舟橫古渡無人跡
野水山花別有源

又

携得清尊與綠琴
穿花拂柳戲平林
更難知己欣相聚
秉燭追遊話古今

逢僧話閒

相逢吟嘯入閒林
山色雲光一逕深
幾度落花啼鳥亂
知君自有澹然心

樂閒

栽花不惜地對月
每酬尊花地連年
窘月尊逐日溫紅梅
纔結子綠竹又生孫
快讀閒居賦是非總
莫論

看山閣集今體詩卷九終

看山閣集

今體詩卷十目錄

題朱小菴隱居

秋江晚眺

瞻少保于墓二首

錢塘江口占

江口送友

西湖即事二首

西湖十景

蘇堤春曉

柳浪聞鶯

花港觀魚

兩峰插雲

曲院風荷

雷峰夕照

平湖秋月

三潭印月

南屏晚鐘

斷橋殘雪

遇友邀飲肆樓

山人居

晚眺

遊王輞川山莊四首

友人招飲湖中別業

送梁小菴入洛

秋日詠山間海棠

訪湖上友人四首

題湖中閨秀居二首

詠鶯二首

漁父

漁人婦

田翁

田家婦

插苗

題贈樂閒道人

納涼二首

花下偶占

酬月

栽花偶成

和友人冬日感懷原韻

與王本李錢塘敘別

閨情二首

賦得滿城風雨近重陽四首

待旦

觀荷自酌

山陰朱刺史屬題林泉之勝

湖山縱遊雜詠十四首

冬至

除夕

題趙書吉畫美人寫春圖

看山閣集
移寓適逢友壽

白雲來留酌窈窕牕觀雨

梅影

聞鶯

友人卜居西湖

看山閣集今體詩卷十目錄終

看山閣集

峰泖黃圖秘容之著

今體詩卷十

題朱小菴隱居

采藥無心入雲去鋤芝有意還山來去來只在此
山裏一片白雲徒浪猜

秋江晚眺

分明大李將軍筆若箇將來粘此間引我幽情入
勝處欲賒明月醉秋山

瞻少保于墓

拜掃先賢墓巍然如在茲功高扶日月身重繫安危廟貌開明地英風撼勝時可憐收大業麟閣未圖儀

又

千里攀遺蹟此情何獨深山川饒別致賢達本同林寒近松無恙日高鳳自吟萬年應不死乃見老臣心

錢塘江口占

身輕隨一鶴常欲渡滄溟流水明如練雲山列似屏烟霞思島嶼簫鼓仿湘靈薄暮無歸艇徘徊忘

我形

江口送友

江水流無盡江雲暮更迎客隨流水杳情逐暮雲生腸斷歌新曲魂銷送遠行歸家須爛醉愁聽子規聲

西湖即事

余自古吳盤桓月餘情不能已遂鼓棹至杭領畧西湖之美因賦詩以紀

夜醉虎邱月朝餐葛嶺霞身隨一箇鶴鬢插數枝花斗酒陶潛興扁舟張翰家縱遊天地小我意頗

幽遐

又

西湖成一鏡逗入幾迷離
衣錦還誰貴妻梅若箇
癡泠泠潮自落寂寂月
偏移數句漁樵話開人茅
塞時

西湖十景

蘇堤春曉

蘇子湖邊曉景妍桃花凝露柳含烟
紅遮綠掩嬌無那淡掃濃勻春可憐
映水粉脂何旖旎迎風蘭麝自盤旋
聞來的溜鶯初轉最喜聲聲叶管絃

柳浪聞鶯

溪頭楊柳動春風兩兩鷗聲傾耳中
嬌似高樓鳴玉管清如靜院理絲桐
拂開流水千層碧吹落桃花一片紅
自是餘閒常往聽雙柑斗酒樂無窮

花港觀魚

綠嫩紅嬌天作成波光相映倍分明
巖頭吹落桃千樹雲外飛來雨半城
春水洋洋魚有樂畫塘寂寂鳥無聲
從容自得于中趣何限收回風月清

兩峰插雲

壁立巖巖起兩峰春朝常被白雲封
自愁塵染深

藏體獨傲霜寒不改容由我性情舒復卷隨人交
誼淡還濃羨他高養于中者飽食烟霞已滿胸

曲院風荷

少女何由來畫塘拂開水鏡試新粧腰肢孌娜含
嬌舞粉黛輕盈帶笑香愁殺隔溪人蕩槳喜添南
院客傳觴清芬坐挹消長日自是風歸君子堂

雷峰夕照

夕陽西下有人家無意移來塔影斜數點鳴鴉投
遠近一羣歸雁落交加明霞閃閃飛林際淡月沉
沉漾水涯好景旣逢堪索醉樵歌漁笛起幽遐

平湖秋月

三潭皓魄已堪酬此處清光更可收慢撥瑤琴鳴
夜月且沽玉酒醉新秋楓林灼灼紅相映蘆荻蕭
蕭翠欲浮始信八章傳絕唱少陵詩句自探求

三潭印月

萬里無雲星亦稀翩翩惟有鵲南飛縣來一鏡銜
清影印入三潭瀉素微鶴唳悠悠聞古洞笛聲兩
兩起幽磯憑欄幾度閒相賞玉漏深沉尚未歸

南屏晚鐘

秋寺烟林起暮鐘一聲清徹落高峰蕭蕭吼出千

尋水滾滾濤生萬樹松石戶偶因明月掩禪床久
被白雲封老僧何事歸來晚杖錫經過嶺幾重

斷橋殘雪

跨驢偶過斷橋頭日靜天清漫自遊滿地瓊瑤誰
踏破數山烟靄我思投淵涵明鏡魚相躍梅試新
粧香暗流最喜風光惟雪後幾多詩料一囊收

遇友邀飲肆樓

獨聳危樓山半藏青帘風拂酒生香欲思投醉扶
藜去好友欣逢話正長

山人居

我愛山居好入門惟此君靜觀雲自起閒坐日初
分薄暮霞千縷寒風雁一羣客來留共醉榮落絕
無聞

晚眺

晚眺西村畔心神清更幽一羣歸鳥亂數點落花
浮曲澗鳴還咽閒雲去復留回來山色暝新月已
如鉤

遊王輞川山莊

入山疑是畫入畫更疑詩不是王摩詰風流誰可
思

又

亭臺安次第松菊弄參差結構多幽致晴宜雨亦宜

又

魚吞波面月鶴夢嶺頭雲領畧于中趣神仙即是君

又

竒峰飛急溜峭壁插閒雲應接真無暇相依不忍分

友人招飲湖中別業

分得牙字

談心一夕誼雲霞流水高山遇伯牙處士詩成翻白雪陶家酒熟賞黃花數枝竹影臨牕瘦半壁溪光入檻斜不醉不歸須盡興洞庭月色正堪賒

送梁小菴入洛

折得青青柳贈君送遠行我心今日亂客况此時生盡醉因分袂長歌慰別情怕聞林外鳥叫出斷腸聲

秋日詠山間海棠

冷落山莊處士家含情含怨自交加少陵不詠今成恨莫把閒心負此花

訪湖上友人

峭壁閒雲外桃花流水間
綠陰環又抱五柳是陶關

又

采藥雲峰畔投竿潭水間
清風拂我室明月鎖柴關

又

棹鼓烟霞裏情移山水間
遙聞鶴相報有客到柴關

又

西子湖濱畔幽人高卧間
問奇誼不絕門啟未能關

題湖中閨秀居

明鏡熒熒處修眉淡淡間
環湖籬一帶深把兩峰關

又

淡淡雲峰畔盈盈潭水間
卻懷陶令節門設是常關

詠鶯

穿花自瀟灑對客頗殷勤
獨立春風裏多情吹欲

醺

又

長鳴偏出衆細語卻離羣高下能相叶聲聲過暮
雲

漁父

朝來還撒網獲得幾般魚小笠堆霜重輕蓑帶雨
餘不時換美酒隨意看新書風浪今宵急烟波何
處居

漁人婦

賣魚聲不絕噁噁向堦除柳外鶯初囀墻頭花自
舒囊來斗粟滿背去一筐虛歸共垂楊下兒男語
笑如

田翁

今歲田翁利新收十斛多雖饑猶可忍惟債不堪
拖無事人安樂能餘家自和難逢年大有莫作等
閒過

田家婦

新納田家婦偏居質樸間亦知為稼苦且喜識時
艱雨雪能傷骨風霜易減顏可憐終歲裏未見一
梳鬟

插苗

插苗歌幾處滿地盡壺觴三月農方急五更鳥亂
呼饑寒切子女辛苦累妻孥試問償逋外今年有
食無

題贈樂閒道人

獨卧高岡廿載餘松聲雲影兩蕭疎于今始信閒
中好不釣魚時還讀書

納涼

小庭壁立數株桐蒼翠陰森欲蔽空打疊蒲團隨
意坐慢拈好句獨吟風

又

綠陰直接畫橋東馥馥天香一徑通我愛納涼來
此地滿斟斗酒月明中

花下偶占

花下怡然酒一卮微酣便把筆來持胸中果有真
邱壑信手難分畫與詩

酬月

把酒酬新月月光照滿杯愁眉休自蹙笑口勸君
開缺處猶堪想圓時莫浪猜此宵臨皓魄吟咏豈
徒哉

栽花偶成

名花天遣付吾栽，消受芳香也合該。
不詠海棠成恨事，莫教更學少陵來。

和友人冬日感懷原韻

幽人擬古常相泣，壯志論懷每動悲。
風味難忘惟是酒，性情淘出只因詩。
泉聲傾耳琴鳴日，梅影橫牕月照時。

聖主求賢方若渴，披裘未許老垂絲。

與王本李錢塘敘別

八法君推首三吳，名倍增楷書王逸少。
隸字李陽

冰一笠藏江渚，扁舟泛武林。
客情深莫比，桃浪拂千層。

閨情為遂菴作

三分春色倦難支，對景臨風有所思。
巫岫雲橫香夢短，湘江月落珮聲遲。
幾番淚滴桃花雨，萬種愁牽楊柳絲。
寂寞黃昏門靜掩，迴文織盡卻因誰。

疊韻

態懶情癡自不支，薰籠斜倚若尋思。
嶺梅採取春光早，林鳥啼來日影遲。
腸曲九迴隨野水，愁縈一縷託遊絲。
最憐脂粉多傾盡，試對菱花認阿誰。

賦得滿城風雨近重陽

滿城風雨近重陽
風捲殘烟雨脚長
聽雨乘風人獨坐
拈將風雨入新章

又

喜雨追風興獨長
滿城風雨近重陽
蒼茫一望風還雨
風正淒淒雨正狂

又

草閣無人風更雨
悲風話雨成詩句
滿城風雨近重陽
臨風對雨愁無數

又

金風何緊雨絲長
雨打江花風點塘
樹欲吟風山欲雨
滿城風雨近重陽

待旦

披襟達旦偶成詩
萬籟無聲鳥宿時
自喜朦朧殘月色
一簾花影弄參差

觀荷自酌

綠荷池畔泛榴觴
風透湘簾生暗香
自舞自歌還自醉
踈慵不減晉人狂

山陰朱刺史屬題林泉之勝

幽人高卧鏡湖西
遙望長安烟靄迷
明月溶溶開

綠野春風噤噤叫黃鸝東山絲竹情何已西苑文章價不低一枕羲皇千古意閒雲流水幾留題

湖山縱遊雜咏

薄霧輕烟幾逕斜灣灣碧水繞人家眼前好景渾難辨底是詩耶是畫耶

二

詩卻無聲畫有情靜觀閒詠細推評怡然誤入雲深處萬壑千巖若拱迎

三

巖壑重重曉氣清南屏兩兩起鐘聲攜琴更欲提

筐去漫學仙家采藥行

四

采藥閒行我自欣山禽寂寂葉紛紛欲思葛嶺探幽蹟已得仙風兩袖分

五

仙風吹送下層雲沸耳笙歌處處聞尋向六橋明月畔桃花索笑柳殷勤

六

花柳年年送好春西泠風月那堪論回頭卻憶當時事鏡閣橫凝一片塵

七

簡簡嬌癡不可求
青青幽恨幾時休
空遺千古相思淚
化作年年湖水流

八

湖水滔滔無盡流
乾坤如寄我生浮
古來多少繁華事
試問何人得到頭

九

到頭何事不相丟
堪歎英雄功未收
落得精忠名在耳
一腔熱血灑荒邱

十

岳墳但見愁人月
于廟惟聞拍枕潮
卻憶當年勲業輩
匆匆猶似夢迢遙

十一

夢回燈燼幾多時
莫笑林逋處士癡
聞說翠微花滿榭
其中恬淡少人知

十二

恬淡情怡杯酒邊
時從酒裏自逃禪
只堪枕甕呵呵睡
世上何人識濟顛

十三

堪笑無人識濟顛
顛成證果自陶然
而今只合顛

爲事也學顛中去悟禪

十四

顛中不信可通禪放浪江湖年又年一曲狂歌歌未了翻身飛入大羅天

冬至

人逢亞歲且開顰玉酒梅花樂事新紅線宮中空計日黃鍾管裏暗飛塵家家納履三冬節處處調歌五夜春最喜洛間風俗好朝來製得一陽巾

除夕

春從何處可相逢今夕歡娛盡舊冬痛飲醇醪聊別歲怕留俗韻不燒松風迴殘雪寒光薄梅噴清香景色濃一載詩文還自祭欲存賈島昔時容

題趙書吉畫美人寫春圖

小閣無塵清夜吟如愁欲語意偏深桃花落盡楊花落寫盡春來一片心

移寓適逢友壽

山牕窈窕桂初芳月滿樓臺境最良愛向青山拈彩筆堪邀明月泛霞觴仁風惠我情何已善氣迎人淡益長移寓得逢稱慶日雲璈一曲自鏗鏘

白雲來留酌窈窕窗觀雨

竹西新鼓吹花下舊壺觴素月臨高座綠陰搖滿
房彈碁惟賭酒喜雨偶成章既醉當歸也流連猶
未央

梅影

風月輕盈逗玉林紛紛篩落一庭陰春風簾幙留
芳韻夜月闌干託素心蜂欲隨香愁莫襲蝶思成
夢慮難尋淡粧自是無顏色笑語燈前意味深

聞鶯

春曉閒庭畔流鶯弄巧聲殷勤教唱曲宛轉學吹
笙調叶松風古音含山水清穿花還踏柳隨意自

飛鳴

友人卜居西湖

聞道西湖好雨晴皆是宜雲光晴更幻山色雨尤
奇北苑通靈筆東坡絕妙辭當窗無限景非畫即
成詩

看山閣集今體詩卷十終

看山閣集

今體詩卷十一目錄

秋日感懷

懷平湖令

衙齋偶興

自製畫屏插供菊花

並蒂白蓮花四首

題畫十二首

烟雲圖

林泉圖

秋眺圖

觀泉圖

飛練圖

樂志圖

僧歸圖

晚泊圖

登臨圖

高養圖

松石圖

返釣圖

送僚友致仕

贈湖濱友人

贈朱翰林修史

少年行

白燕

壽倪文學六十

題竹

與羽士八章

曹析城

吳丹儀

姚禹言

沈漢文

戴允中

喬穎高

張成山

范魯園

閨情十二首

看梅

雪梅

紅白荷花

春日偶成

題秋聲館

白海棠步韻十律

贈文令有宗

壽友

賀洪刑曹請封

春遊

題山人居

送潘令省親

送謝令致仕

杜別駕葵亭榮遷

寄朱令松峰

載石

惠友人蒙山茶

贈張令

與張大令

題畫美人二首

看山閣集今體詩卷十一目錄終

看山閣集

峰泖黃圖秘容之著

今體詩卷十一

秋日感懷

花寄情懷月寄愁傷春未了又悲秋何時脫却人間
屣魚鳥相隨汗漫遊

懷平湖令

時攝石門篆事

當湖父母最稱賢鐵面無私不愛錢喜我吟時詩
作友勝人醉處酒爲年庭生蒼蘚閒粘印琴拂清
風政寫絃藉有東隣光半壁陽春遙布語溪邊

衙齋偶興

爲政餘閒酒再拈知君吏隱已相兼自隨風月惟
能潔偏與山林獨不廉流水琴絃無限入蒼苔屐
齒幾多粘由來真處仍歸假一枕怡然到黑甜

自製畫屏插供菊花

畫圖藏活筆秋色吐真香自出新裁剪風流豈泛
常

並蒂白蓮花

粉香聞是綠池邊侵曉先開並蒂蓮行近雕欄如
拱客戲來秋水似乘船清風院落閒吞露明月溪

頭笑弄泉欣覩雙花歸一榦亭亭僊骨許誰攀

二

珠光玉豔已堪親况是雙分水鏡春烟火無薰畱
淡雅粉脂不污守清真恍如江女遊壘畔疑似湘
妃戲洛濱此種斷非塵世有多應天謫配幽人

三

高張翠蓋立風前玉孕珠胎第一仙頭並枝枝相
對語舌舒瓣瓣漾流泉芳塵緩步偏無迹桃葉輕
浮不用船最是雙分雲髻好踰躑姊妹已齊肩

四

何勞銅雀鎖芳春別入晶宮韻絕塵交頸繡鴛欣
得伴尋香粉蝶柰迷津纖腰一捻嬌無主高髻雙
擎笑近人任有好詩題不盡漫憑尊酒意堪申

題畫十二首

烟雲圖

烟雲閒裏境樹石靜中天一洗塵凡俗飛騰筆欲
僊

林泉圖

春山醒復睡野水淡還濃妬殺投林者情懷披幾
重

秋眺圖

秋色山如醉楓林紅似燒欲思投古寺烟靄路迢
遙

觀泉圖

朝雨山光潤新涼秋色清玉泉飛百尺紙上似聞
聲

飛練圖

兩峰相對出仄練落長空我欲携琴賞烟霞趣不
同

樂志圖

石激泉聲碎林疎月影閒惟求印與壑安頓我愚
頑

僧歸圖

林木深深徑春山淡淡烟寺鐘聲斷處飛錫有僧
還

晚泊圖

樹色猶蒼翠烟光自淡濃客船何處泊愁聽夜深
鐘

登林圖

紅日壓山肩白雲生我足獨抱歲寒心蒼松依舊

綠

高養圖

喬木羅如陣遠山圍作城日高人未起花影與禽
聲

松石圖

雙松見古意片石起閒情觸處皆新詠無聲仍有
聲

邁釣圖

兩堤皆是柳一片綠成烟蕩槳歸來晚歌聲落照
邊

送僚友致仕

折柳携尊送遠行，偶歌數字動離情。
十年未遇皆因傲，一夕分襟豈爲名。
松菊尚存娛晚節，琴書猶在樂生成。
此身今日知吾有不逐，風前柳絮輕。

贈湖濱友人

家在天然圖畫間，松聲雲影落柴關。
松邊吼出千尋水，雲外飛來一片山。
靜裏工夫應勝鬧，忙中滋味不如閒。
何時拋卻寒江釣棹，鼓清風明月還。

贈朱翰林修史

賈誼曾經獻治安，獨特風烈立朝端。
無雙士作無

雙業第一人，爲第一官清瘦。
不禁同杞菊，幽閒何盡挹芳蘭。
書成千載音相賞，落筆曾籌有五難。

少年行

欣聞年少客，俠氣頗堪嘉。
玉腕盛春酒，金鞭拂柳花。
不平時擊唾，所向在埋蛇。
相見頻相問，有無雙敵家。

白燕

素粧嫵雅莫如君，傅粉傳情迥出羣。
柳絮隨風踪跡遠，梨花帶雨夢魂醺。
羽衣淡著梁園雪，玉剪輕裁巫岫雲。
笑語一簾明月夜，巢歸何處影何分。

壽倪文學六十

梅花先占嶺頭春，清潔如君不染塵。
放浪烟霞稱逸士，遨遊湖泖是閒人。
千竿綠竹堪高卧，萬軸牙籤可養貧。
題罷學庸當盛節，庭前鶴報一籌新。

題竹

立身無屈曲，奮志在雲霄。
自握堅貞操，凝寒知後凋。

與羽士八章

曹析城

聞道仙寰咫尺間，風來寂寂水潺潺。
笛吹空谷能

呼雨塵拂浮雲卻，見山數卷丹書攤。
石室一聲白鶴啟，松關憐余久渴桃源夢。
可許招尋話日間。

吳丹儀

洞門深入有山亭，亭畔桃花美更馨。
掃徑撥雲呼白鶴，研朱滴露寫黃庭。
目收海外三峰秀，身見壺中六甲靈。
兩兩晨鐘敲不盡，喚人癡夢幾時醒。

姚禹言

無際無涯法力強，星馳電掣鬼神降。
清風夜靜雲封榻，明月窗虛山在房。
采藥漫投深徑僻，鳴琴閒聽晚泉涼。
手搖葵扇衣荷芰，盡說仙人謫我鄉。

沈漢文

世人幾箇有奇緣不信壺中又有天乘鯉湖濱知
異士跨驢海上識神仙長歌林外閒鋤草獨坐溪
頭笑弄泉碧落侍郎仍姓沈丹爐開處已忘年

戴允中

丹臺玉室舊知名吸露吞雲道已成法鼓摻搗殘
月轉慈鐘嘹唳曉風輕鋤芝采藥非塵事煮石餐
霞是我羨慚愧余生難去俗鳥啼花落枉多情

喬穎高

年少仙郎白髮翁蓬萊此日會羣雄數彈琴韻流

秋水一縷爐烟射夏虹瀟灑坐看黃石靜逍遙笑
領赤松風奇葩始發雙枝秀共處靈山環抱中

學道未
久故云

高穎

張成山

西窗刻燭靜談經身著銖衣食茯苓蓬島客來桃
正熟洛陽人去醉初醒琴涵流水松間賞笛吐清
風月下聽慢說神僊應有分目前境界已忘形

范魯園

珠為心膽玉為顏應數瑤池第一班臨水橫琴彈
夜月穿雲沽酒醉秋山嘗來滋味無如淡用到工

夫不若閒我本玉皇香案吏偶因游戲落人間

閨情

春花灼灼想春容燕罵鶯嘲笑阿儂儂貌如花
花有信最無憑準是遊蹤

又

妾年如水面如花水照花香春正奢眼底忽驚風
信日水流花瓣到誰家

又

水卻無情花有情桃花空艷水邊亭郎情已逐東
流去羞對春英自涕零

又

花前貫酒送郎行握手牽衣無限情別後夢魂飛
繞處山青水綠短長亭

又

憶別相思杯酒間離愁千疊望中山白頭吟盡郎
知否鴻雁無情書未還

又

獨擁寒衾夜已分一宵愁緒豈無因那堪涕耳禽
聲亂喚醒春閨夢裏人

又

朝來如醉復如癡春老花凋不自持我寄愁心與
楊柳迎風撩亂一絲絲

又

含情不語對菱花淚眼愁容一樣加相愛相憐相
覩處卿家心事即儂家

又

手挽烏雲理鬢絲花篩日影曉粧遲眼前不見張
京兆羞把纖毫自畫眉

又

懶梳雲髻倚前楹淚滴愁牽無限情何事傷春春

易老子規啼徹一聲磬

又

脂殘粉剩幾相愁心事多從淚裏流梳罷青絲重
對鏡蜻蜓飛上玉搔頭

又

聚首無期易別時歡娛誰憶有離思欲歸料得雲
山阻寧是長安輕薄兒

看梅

花開五出霧空濛玉骨冰姿色色同無俗可攀君
子竹耐交好共大夫松一枝踈影橫窗外半榻寒

香入句中吩咐畫家收拾去莫教零落笑天工

雪梅

風翻柳絮滿牕紗幾樹梅梢壓半斜凍蕊已愁朝
滴露寒枝惟許暮棲鴉數篇自喜閒吟雪一斗聊
堪細嚼花追憶前人何灑落灞橋驢背興偏賒

紅白荷花

迎風紅欲墮帶月白凝光共識非凡品晶宮第一
香

春日偶成

天光如錦耀春明萬縷機絲織得成好景無邊鶯

數轉幽情莫限燕三聲雪消庭宇苔痕見風過牕
楹花氣迎尺幅圖將誰妙筆却疑北苑董先生

題秋聲館

竹影蕭疎月淡縣幽人茅屋正高眠空山出沒風
烟起一夜秋聲到枕邊

白海棠步韻十律

自有幽閒致不隨紅紫饒柔情雲共淡弱質月同
嬌竹逕迎風冷石欄聽雨焦斷腸秋思裏淚滴染
鮫綃

又

田花與巨葉偏向砌邊饒力為臨秋怯姿因勻粉
嬌含情疑有怨不語若生焦冷落清霜裏悠悠試
薄綃

又

素質閒中好幽情靜裏饒澹同高士志粧徹美人
嬌霜打花無恙風翻葉不焦飛飛雙蛺蝶隨意點
輕綃

又

獨向空庭畔無人花自饒最宜新著雨卻喜曉含
嬌對景多般恨臨秋幾許焦傍欄還倚砌羅襪映

冰綃

又

不逐東風吐偏宜秋思饒凝霜宵更潔含露曉尤
嬌蝶宿疑無影雨歇轉自焦相思當此際泣下凍
寒綃

又

卻愛瓊姿艷欣從此地饒無香能有韻不俗更生
嬌秋到梧桐老寒添山色焦家家刀尺動我獨斂
微綃

又

但畱一隙地不灌亦能饒所喜梅同隱卻輕桃助
嬌半含香未散全吐色無焦寂寞依堦畔臨風薄
薄綃

又

此種由來妙况從僻處饒梨花月下艷梅蕊雪中
嬌意逐閒人冷心隨倩女焦柔情與膩臉兩兩不
勝綃

又

如愁還似怨一種意相饒帶月宜多態臨風別有
嬌為憐花色潔反覺蝶衣焦覩此清涼甚何須帳

紫綃

適友人以避暑
詩見示故云

又

乍接瓊英笑引將才氣饒選毫摹韻險擬酌對花
嬌欲共東籬茂不容三徑焦夜深開月鏡分影上
雲綃

贈文令有宗

吐鳳文名欣莫敵凌雲氣節羨尤難三唐壯麗推
温李八代衰頽起柳韓優學已當邀任秩良材方
始振衣冠仁聲惠政相傳頌向日幽懷惟抱丹

壽友

松柏年年發秀枝願和人事亦如之春開錦繡呈
佳境氣吐氤氳獻瑞時鶴爲添壽來海屋鳳因鳴
日起天池似君自是應多祝介壽先申酒一卮

賀洪刑曹請封

郎官應列宿况是棟梁材衣鉢相繩起旌旄次第
開丹心披

九殿清望出中臺榮沐

新恩重

天書五色裁

春遊

桃花雨滴柳絲抽紅似燒燈綠潑油莫謂林泉無
好友池塘深處有閒鷗

題山人居

碧雲深處卧高人花落水流風景新自喜山窗無
俗韻掃開敗葉好迎賓

送潘令省親

年少胸羅萬卷書承

恩此日羨華除一尊情寄栽花縣三載神依奉板輿
每撫乾坤酬似昔常觀詩禮凜如初以君忠孝聲
名舊豈欲爭誇榮里閭

送謝令致仕

如君騷雅世難尋
數字書來皆碎金
似此有才宜大用
緣何立志棄華簪
三山明月浮杯盞
一笛清風笑古今
雲去無心歸有意
陶潛亦是早投林

杜別駕葵亭榮遷

杜老才華怪苦吟
羨其所學本淵深
未嘗一飯忘明主
豈以三遷戀美簪
騷雅欲思攀未得
正誠豈易許相侵
大都高節臨朝日
惟有葵花窺見心

寄朱令松峰

君爲民父母
訓誡固諄諄
痛癢關民疾
飢寒切已

身還金知俗厚
務業見風淳
如此方無愧
絃歌與日新

載石

扁舟滿載皆廉石
浪跡江湖號小仙
爲鵲爲鯨渾莫辨
吾將相愛有如顛

惠友人蒙山茶

聞道蒙山有露芽
幽芬可愛味清嘉
多慚陸羽三篇著
品盡名泉未得茶

贈張令承先

御屏早選英才入
洛下旋邀

聖眷深半壁清風時得句一庭明月但聞琴思親每落

瞻雲淚報

主常縣捧日心自是凜持君子節臣忠子孝共堪欽

與張令竹坡

鳴琴雖百里然最與民親必得英賢士還須君子
人奇才良可展優學已當伸拭目看膺任香流萬
戶春

題畫美人

數筆丹青妙中含無限春多情相盼處紙上喚真
真

又

欲語憐無氣含嬌力不支其間未易畫此處亦難
詩

看山閣集今體詩卷十一終

看山閣集

今體詩卷十二目錄

山署日長政餘無事情不能已遂酌酒興

歌而自感焉十首

改裝入山采花二首

詠芍藥三首

勸民歌十首

詠菊

郊外小步

擊蛇

過山人居題贈十首

遊仙霞嶺偶興三首

訪僧二首

山行

途遇酒家

抱子觀書以手指富貴字因賦以誡二首

又以手指忠孝字二首

與僚友

琴酒雅懷

政餘閒筆二首

山間秋眺二首

夕陽漁笛二首

山間訪友歸二首

秋日感懷三首

花酒

鄉情

衙齋偶興四首

詩酒閒懷

畱醉亭四首

施藥偶成二首

看山閣集今體詩卷十二目錄終

看山閣集

峰泖黃圖秘容之著

今體詩卷十二

山署日長政餘無事情不能已遂酌酒興
歌而自感焉

不入時宜嫌一真每從真處未如人官閒只合山
同隱門靜惟畱月作隣野鶴危灘常獨立流雲空
谷漸相親欲投幽裏酬初願可惜今非我有身

又

世間萬事幾何真清濁源頭須用神體欲屈來礙

有骨道相合處恨無人只堪對酒時時醉但得看
花日日春笑殺三衢癡貳守不知求富自甘貧

又

一天風日愛清真拂試琴聲佳政新既向烟霞聊
養性莫教歲月苦磨人看窮流水茫無路行近桃
花忽有津相賞陡然忘吏俗得安身處且安身

又

幾多假假與真真好夢人生豈易頻甲子忙中磨
不了工夫靜裏用難貧雲泉飛落千家雨山草薰
成萬戶春幸得官閒無俗擾正宜養性自修身

又

情性年來淘出真一尊嘯傲澗之濱門開不盡烟
霞裏衙退惟餘花月親閒裏光陰忙裏用無中景
况有中因人生如寄休相忽對酒興歌動我神

又

不貪兩字認來真非敢言清恐累民風雨失時憂
到我山川多象樂過人半臨靜境心胸古一洗浮
塵耳目新詩句奚囊儘富有何須苦計在官貧

又

原來生性是天真野鶴飛鳴漸出塵歷暑歷寒無

改色呼牛呼馬悉由人勿因富貴身常屈但得烟霞足暫伸一夢十年醒復睡愁添詩髮幾絲新

又

絃歌拂處樂其真和氣凝成一境春誰謂繁華非是夢我惟清白可爲人逢迎不慣常思退山水相畱漸覺親安得生如磐石固太平無事且開鬢

又

余之懶也本來真合與青山作比隣但得烟霞常伴我莫嫌富貴未如人臨尊喜藉高懷遠對鏡驚看短髮新不覺蹉跎多少事一回追憶暗傷神

又

名山靈水盡含真一帶柴桑風俗淳蔀屋月明渾似畫訟庭草長不知春身隨琴鶴官仍舊手捧絲綸恩又新自愧苟安等竊祿十年虛抱罪中人

改裝入山采花

青鞵布襪手提籃入得山來風味甘最愛晚薰吹到處一林花草帶春酣

又

春朝擷翠入筠籃爪甲猶粘新露甘且喜雨餘塵色淨一天風日正清酣

詠芍藥

玉樓春色麗金帶露華濃風度香千片霞凝錦萬重

又

翠粘舞罷袖紅印醉時容描入維揚譜風流信有宗

又

葉葉琉璃碧枝枝錦繡紅何時携美酒醉倒萬花中

勸民歌

可知最樂是天倫

聖世勉爲孝悌民能以守成方算子好於鬪勇必危親
御車似閔無難色負米如由不愧貧勸你及時留
好樣亦須看取後頭人

又

漫將百忍放歌新所重當知在五倫妯娌安和皆
是瑞弟兄敬愛盡成春甘肥須奉堂前老珠飾無
私室內人雖有黃金何足貴一家安樂莫嫌貧

又

名節關頭要認真惟其達者自修身遺金不昧寧

非義懷寶迷邦豈是仁孝里定生忠信士德門必
出善良人此中但得存精白囊固貧時志未貧

又

斯文骨肉最相親友道須知亦一倫看去交情惟
在信迎來和氣盡成春因危援手真君子見利搖
心是小人莫共炎涼多反覆欣然趨富即踈貧

又

不惜千金因買隣更須純篤在宗親若罹患難休
漠視如遇婚喪量濟貧爲子卜居欣有士捐田立
義恨無人旣和鄉黨還敦本德行流傳又一新

又

甘雨和風滿境春太平無事聚山民農夫亦自知
三樂廉士何曾慮一貧勸種省耕方得息舊逋新
賦並相繩若然拖去輸違限恐累官司罰俸銀

又

爲善當知樂是真仁風拂處萬家春若非德澤難
邀貴惟有心田可養貧造孽猶如趨禍患昧良徒
自積金銀從來天道無私曲相報分明疾似輪

又

弄假安能逃出真筆刀舌劍枉勞神馳淫報似償

人債好賭貪如與盜隣莫犯三章傾棄命便罹一
杖玷終身從來古語無差錯不到公庭是好民

又

從來安分是良民守分安良可保身須要矜孤還
恤寡莫教忌富更欺貧炎涼未必能侵我勤儉如
何肯讓人若是平時驕縱慣急宜舍舊去圖新

又

桑麻一帶愛風淳願作循良安素民須信笑人仍
笑已欲知求已勝求人禦寒莫更嫌衣舊得食休
還擇味新但要讀書明大義受恩最重是

君親

詠菊

家在東籬畔孤松片石旁姤君清且雅學我瘦而
狂自立高人品偏畱晚節香久隨陶令隱密邇友
朋良

郊外小步

偶然閒獨步喜得遇春融草色粘衣綠花光著眼
紅片山清且淨一水曲而通何日酬余志投竿於
此中

擊蛇

短形虺烈赤斑花一劍揮來雄可誇記得當年孔
道輔亦經舉笏擊神蛇

過山人居題贈

窮境入新詩裏家藏古畫中一林詩與畫揮灑亦何

又

春韭與秋菘滋味固無窮山家多妙境居處澹然

中

又

花月情何極林泉趣不同穿雲沽美酒相對醉山

翁

又

似醉仍如醒佯狂還詐聾澹然無所欲寒暑莫相
攻

又

中林密禽聲碎日高花影重姤君清有福何幸落閒

又

窮黃花香晚節綠酒醉春容花酒應多樂樂而久不

又

放浪烟霞裏從容邱壑中悠哉何所有一片古人風

又

喜釣溪頭月愛聽松下風家居山谷畔坐卧翠微中

又

花影簾櫳滿牙籤梁棟充主人癡不了又學洗梧

桐

又

不堪投鬧處只合向閒中莫作繁華夢何如寒素風

遊仙霞嶺偶興

量移仙嶺赤霞頭司馬官閒暢我遊吟到梅花唾似蜜籜成竹葉酒如油戲隨野鶴身常伴愛濯清泉足自投才拙位卑無取重徒懷爲國爲民憂

又

一林山水苦相畱屈指于今三度秋冷見投巢野鳥倦閒看歸岫暮雲幽心因國計徒生癢眉爲民生空結愁虛抱素懷何日展慙邀升斗不如休

又
欲求江漢展絲綸無柰當年曾獻身酌酒酒生狂
似舊鳴琴琴寫政初新幾成山水閒中客忘卻冠
裳忙裏人執事

兩朝

恩並重素懷未展愧垂紳

訪僧

直窮深谷訪南華踏碎山間一徑花記得雲光與
潭影我曾相賞欲爲家

又

楂楂鳴鳥落松花寂寂山房擁紫霞啟戶無如師
不在何妨閒坐試新茶

山行

松風謾謾鳥楂楂山秀泉清欹逕斜聞得雞鳴和
犬吠烟霞深處有人家

途遇酒家

不覺涎流遇麪車須知風味果堪嘉苦無二萬錢
拋擲幾度逡巡過酒家

抱子觀書以手指富貴字因賦以誠

烏紗玉帶生於德白璧黃金積在心惟是心田和

德澤司人富貴最高深

又

仁如主試能邀第儉似良醫可治貧但看驕奢名利者到頭幾箇得成人

又以手指忠孝字

吞檀嚙雪無多箇扇枕温衾有幾人萬善不如忠與孝我身最重是

君親

又

忠孝原來兩事同移忠作孝古人風若能相守終

無改江夏流傳又有童

與僚友

與君同是最閒人一入

天門非我身期把廉隅相砥礪好將清白表風塵

琴酒雅懷

徒抱山林一片心幾回相賞愧華簪詩豪酒傑琴懷德三友新聯詩酒琴

政餘閒筆

春風細柳拂官衙調鶴餘閒還灌花求得惠山山下
下水試煨鴨脚好烹茶

又

槐綠森森鶴守衙
錦箋香吐筆頭花
政餘且喜閒無事
漫學歐公歌鬪茶

山間秋眺

日來晴暖愛山南
翠滴秋屏露半含
失卻老僧歸去路
白雲一片隔花龕

又

幾回開唱望江南
猶戀西山暉正含
久欲相將塵世棄
未知彌勒許同龕

夕陽漁笛

日落西山紅半含
綠楊一片露華甘
何來竹笛聲轂急
調轉春風吹欲酣

又

一輪明月碧山含
土自肥兮泉且甘
罷釣此間堪嘯傲
賣魚沽酒必求酣

山間訪友歸

一帶鳴禽嬌可聞
山花艷艷草薰薰
歸來且喜無塵色
足下惟粘幾點雲

又

茅菴新結在松崗
萬斛濤聲午夢涼
蘸得峰頭一

片翠歸來衣袂尚餘香

秋日感懷

送得春回秋又深一官拓落日惟吟簾閒執笏看
山色衙退畱僧話竹陰撫字兩邦琴是政臨民三
世水爲心只因身受

君恩重不敢求安請入林

又

衙排細柳綠森森深鎖斜陽一片陰坐擁詩書忘
歲月身隨魚鳥近山林松風謾謾清人耳石瀨涓
涓洗我心何敢自稱廉潔士曾辭暮夜四知金

又

門館蕭蕭秋色深高槐一帶結浮陰山經朝雨含
青黛楓染寒霜吐赤心花逕但容風拂弄琴牀惟
許月相侵官閒究竟閒無了不是尋尊定苦吟

花酒

酒光聚頂結三花花落尊中酒泛霞求得仙花與
仙酒以花爲命酒爲家

鄉情

秋風佳思起鱸蓴幾度躊躇欲乞身無柰一林山
與水攀轅卧轍苦畱人

衙齋偶興

山雲淡淡深含韻松竹蒼蒼獨抱貞山色雲光開
畫境松風竹籟和詩聲閒投花下狂無計情寄琴
中樂自生但得俸錢能沽酒不須此外更求贏

又

嶺守孤高松守貞仙霞風景是天成澗頭沕沕泉
空落松畔盈盈月自明且喜歷寒還歷暑更難宜
雨亦宜晴忙中幸有閒中樂山水隨人遠宦情

又

草色青青遍訟庭最欣政簡與刑清幽閒自藉蒼
松操孤聳猶存野鶴形瀟灑一官同吏隱沉酣千
日勝人醒休因地狹難舒足五百里中聚德星

又

防意如城口似瓶絃歌拂試動清寧散衙樂志欣
官冷退食懷恩愧鬢星山水苦畱將密邇炎涼相
迫又飄零須知遇合原無定大海之中一葉萍

時適

奉公
遠行

詩酒閒懷

詩學仙兮酒學仙多因詩酒有奇緣看山只合傾
三雅臨月無如揮七絃印帶蘚痕秋漸歷庭餘鶴

啖點初傳笑余爲政何清冷不計名時不計錢

畱醉亭

仙霞嶺之西蜿蜒而起岑靜而伏松蒼
泉潔徑曲雲閒輒爲情移余擇勝而建
一亭顏其額曰畱醉俯接如笑仰觀若
拱雖然人愛山水不知山水就人醉翁
不在于酒山水宜在於翁翁既不舍於
山水而山水苦相留於翁非翁醉於山
水不舍山水而醉於翁是山水醉於翁
相畱翁醉於山水也因拈以賦之

仙嶺霞光萬疊環森嚴鎖鑰有崇關風泉沔沔傾
心聽林木蒼蒼揮手攀欲奏琴聲來月下常留翁
醉在山間何能滌去余生俗撇卻忙時投向閒

又

司馬從來官最閒勸耕興教亦云艱身因酒困三
分瘦髮爲詩添幾點斑老米垂紳顛拜石二王挂
笏好看山相追幽韻能如此頓改人間流俗顏

又

山滿亭兮水滿汀一林山水好丹青陽春有意佳
人景大塊無心載我形澗月娟娟清可掬松風淡

看山閣集
淡靜堪聽若然舍卻當前樂盡醉還愁容易醒

又

且喜山名與水靈紅迎翠接到茅亭朝看萬樹飛
紅雨晚對千峰開翠屏宜有閒緣堪煮雪既無仙
骨莫餐苓惟求萬物休相擾江漢輕浮一葉萍

施藥偶成

積得幾多清俸錢爲因施藥頓相捐但知爲善心
如一豈欲求仙功滿千肯念囊空籌自足忍教民
獨受顛連雖然療卻無窮疾鶴食于今少半年

又

官祿平分穀二千顆顆均出在于田握冰常慮塵
相污食菜休嫌味少鮮民疾安知非已疾已錢寧
不是民錢只愁寒熱流行症雖有金丹未易痊

看山閣集今體詩卷十二終

